

www.BibleForChildren.org




Yohanes 14




Wali yako etu i Yesu manganto'oka wo'u kami to anaguruNya, la manganto'oka kami, "Ne'e moru-moru raya ngkomi mangampobuuka Aku mampiyaika komi. Komi mansarumaka i Pue Allah, wali sarumaka seja Aku."



“Naka pei komi taa parluu moru-moru mampobuuka
Aku mampiyaika komi apa ndate saruga ri banua
mPa’angKu re’e boros tanpa rakaroo, pasi Aku yau
nto’u ria damampasigenaka komi tanpa rakaroo etu.
Wali monso pu’u ewa Kuto’oka komi etu, apa ane taa
monso, Aku taa
manganto’o.”



“Wali Aku yau damampasigenaka komi tampa, roo see Aku damawolili muni damangoko komi see komi maya maroo siwaka pei Aku.”




Wali aku semo i Yohanes, a'i ngkomi to samba'a pangaya. Komi rasesai apa saba mangalulu i Yesu, pasi aku seja rasesai sewaju pei

komi.



Pei ri raya ngkasesa etu kita samparia re'e sabara
to nawaika i Yesu kita, pasi kita mangampeas
temponya la damawali Makole ri lino.




Wali aku raposaka ri pulo Patmos apa maja'a raya
ntau tempo aku mampakarebaka tuntu i mPue
resi tau pasi manganto'oka sira kareba

matao mangkonong
i Yesu.



Wali ojo karoonya aku mangandonge loo etu, aku
mansaka nawaika i Nosa Mapasing pangkitangku.
Ri raya mpangkitangku etu aku mangangkita
samba'a gadera Makole ndate saruga. Pasi re'e
seja to matunda re'e ria.




Wali ojo karoonya sira magombo aku mangandonge
wo'u loo yako samparia anu to napapowali i mPue
Allah ri saruga pasi ri lino pasi la'u
lipu ntau mate pasi ri raya ntasi.




Sira manganto'o, "Ia to matunda ri gaderaNya pasi Ana nu Domba, kita mangabarong, manga'angga, pasi mampakabae, pasi kita magombo mangkonong kuasaNya rataka singkasaenya."




Pasi aku re'e seja mangkita kota to mapasing, to tudumaka yako resi i Pue Allah ndate saruga. Kota etu semo Yerusalem to bou. Pasi kota etu rapasilonga ewa raika mampasilonga tau we'a to mampake baju to magaya kojo yau mangantomu to langkai to danaporongo.




Wali ojo karoonya aku mangkita kota etu, panewa aku mangandonge wo'u loo to maroso yako ri gadera Makole. Loo etu manganto'o, "Lo'aja, tanpa nakaroo i mPue Allah re'e ri oyo nto lino. Ia damaroo resi sira, pasi sira damawali tauNya. Wali i Pue Allah semo damaroo ri oyo nsira panewa la damawali Allah to napue nsira."



Wali yako etu pomakau i mPue Allah mampaporaoka aku koro nu ue to mangawai katuwu. Ue etu malino kojo ewa kasa to rato'oka kristal. Wali ue etu maili yako ri gadera to napatunda i mPue Allah pasi Ana nu Domba.



Pasi kota etu tamo parluu wo'u karemenya yako eo pasi wuya. Apa kayawa i mPue Allah etu semo mampakareme pasi Ana nu Domba Ia semo lampunya.




Pei ri kota etu tare anu to makarika to maya masua ri rayanya. Pasi tau to mangika palaong to maja'a bara tau to mawuti, tau etu taa seja maya masua ri raya ngkota etu. Ojo tau to re'e sanganya ratulis ri raya buku ngkatuwu to Ana nu Domba puenya, ojo patanya tau etu sira maya masua njo'u raya ngkota etu.



“Ia damampalasi yau samparia
ue mata nsira. Pasi tempo etu
tamo re’e kapate, pasi tamo
re’e kamawo ndaya, pasi tamo
seja re’e to tumangi bara ntida,
apa samparia to re’e tempo
ruyu room rawali yau.”




Wali anu to natonaa i mPue Allah tamo re'e. Gadera i mPue Allah pasi gadera nu Ana Domba re'e ri raya ngkota etu, pasi to papolaongiNya mangika palaong mampue mampakabae Sira. Sira damangkita lio i mPue Allah, pasi sanga i mPue Allah daratulis ri kire nsira.




Panewa aku mangkita seja tau mate to tawa rawangu muni, sira rawangu muni seja. Tasi re'e mampaposuwu muni lemba ntau mate to re'e ri rayanya. Pasi Kapate pasi Lipu nTau Mate mampaposuwu muni seja tau to mate to re'e resi sira. Panewa Kapate pasi Lipu nTau Mate etu, sira rapanasoka yau seja lo'u rano nu apu. Rano nu apu etu semo kapate to kadua. Wali yako etu tau to mate to owo rawangu muni, to tu'am pasi to mangurawa, sira samparia mampotango gadera Makole.




Panewa re'e buku-buku to raloka. Buku-buku to raloka etu nja'u ratulis mangkonong palaong to naika ntau etu. Wali sira rabotus singkonong pei palaong to naika nsira to nja'u ratulis nja'u raya buku etu. Panewa re'e wo'u samba'a buku to raloka, buku etu semo buku ngkatuwu. Wali i sema tau to sanganya tare ratulis ri raya buku ngkatuwu etu, tau etu rapanasoka yau seja lo'u rano nu apu.



Wali yako etu, i Nosa Mapasing pasi Kasimpande
nu Ana Domba sira manganto'o, "Maimo!" Pasi i
sema tau to mangandonge gombo si'i, matao ia
seja manganto'o, "Maimo!"



Pasi i sema to mangau warokonya, biakamo ia naka ma'i. Pasi i sema to rani, biakamo ia mangoko ue to mangawai katuwu, ue etu tare olinya to danabayar.



Apa bae kojo pamporayang i mPue
Allah resi to lino, see naka la mangawai
Aku, AnaNya to samba'aja, see i sema
tau to mangaya Aku, tau etu taa
darapakaja'aka yau, pei
damangarata katuwu to
singkasaenya.



Roma 3:23 Apa samparia tau paka madosa pasi taa kojo masipato mangarata tilanya yako kayawa i mPue Allah.

Roma 6:23 Apa ntanapa ntau mangika dosa, etu semo kapate. Pei sora to yako resi i Pue Allah, etu semo katuwu to singkasaenya. Wali kita maya mangarata sora etu apa saba kita samba'a pei i Kerisitu Yesu, Pue ngkita.

Ibrani 9:27 Wali songka i mPue Allah, etu semo to lino ojo sangkani mate yau panewa roo see nabotus i mPue.

Epesus 2:8,9 Wali yako kanoto i mPue Allah semo naka pei komi seja rapalaes apa saba komi mangaya i Kerisitu.

Wali si'a yako palaong ngkomi naka pei komi rapalaes.

Sora i mPue Allah semo naka pei komi rapalaes.

Wali si'a yako palaong ngkita naka pei kita rapalaes, see naka tare tau to maya tabaro.



Roma 10:9,10 Apa ane kita mampatimonso, manganto'o, "I Yesu la semo Pue," pasi ane raya ngkita mangaya kojo i Pue Allah room mangawangu muni i Yesu yako ri kapateNya, ane ewa see kita darapalaes.

Apa raya ngkita mangaya i Pue Yesu, see naka kita nato'o i mPue Allah tare dosanta. Pasi nganga ngkita mampatimonso pangayanta etu, see naka kita rapalaes.

Yohanes 3:16,17 Apa bae kojo pamporayang i mPue Allah resi to lino, see naka la mangawai Aku, AnaNya to samba'aja, see i sema tau to mangaya Aku, tau etu taa darapakaja'aka yau, pei damangarata katuwu to singkasaenya.

Apa kamonsonya i Pue Allah mampokau Aku, AnaNya, ma'i ri lino si'i, si'a ma'i damangahuku to lino, pei yako palaong to Aku mangika see naka to lino darapalaes.



1 Yohanes 5:11-13 Wali si'i semo kareba etu: I Pue Allah roomo mangawaika kita katuwu to singkasaenya, pasi AnaNya semo pu'u ngkatuwu etu.

Wali i sema-sema tau to re'e Ana i mPue Allah resi ia, tau etu re'e seja katuwu to etu. Pei tau to tare Ana i mPue Allah resi ia, tau etu tare katuwunya to etu. Wali to tao-tao kita mangaya anu to etu mangkonong Ana i mPue Allah, apa i Pue Allah semo matamanasa mpalaong to etu, pasi la masipato rasarumaka.

Wali aku kunsani komi roomo mangaya kuasa nu Ana i mPue Allah. Pei aku tiroowa mangantulisika komi sura si'i see damanasa ngkomi saba yako pangayang komi la, re'emo katuwu to singkasaenya resi komi. Pasi aku mangantulisika komi sura si'i see tare pandoonya komi mangaya la.



Yohanes 14; 2 Korintus 5; Pangkita 4, 21, 22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Pamona (pmf) © 2018 New Tribes Mission, Sanford, FL
32771-1487, USA. Printed in the United States of America

<https://www.bible.com/en-GB/bible/2982/GEN.1.WNT>

©2025 Bible for Children, Inc.

www.M1914.org

www.bibleforchildren.org

